

## CONCURSO DE TRASLADOS

TOMAS DE POSESIÓN	<p>O prazo de toma de posesión será de <b>tres días hábiles</b> se non implica cambio de localidade do/da funcionario/a; <b>oito días</b> hábiles se implica cambio de localidade dentro da comunidade autónoma e <b>vinte días</b> hábiles se implica cambio de comunidade autónoma, con excepción da Comunidade Autónoma de Canarias, Comunidade Autónoma das Illes Balears, Cidade de Ceuta e Cidade de Melilla, en que será <b>dun mes</b> tanto se o posto de traballo nas illas ou nas cidades é o de orixe coma se é o de destino.</p> <p>O devandito prazo de toma de posesión comezará a contarse a partir do día hábil seguinte ao do cesamento, que se deberá efectuar nas datas que se indiquen na resolución definitiva do concurso.</p>
PERSONAL DE REINGRESO	<p>No caso de que unha persoa funcionaria reingresada tome posesión antes das datas indicadas na resolución pola que se resolve o concurso de traslados na praza doutra en activo que tamén obtivese destino no concurso, esta segunda cesará o mesmo día da toma de posesión da reingresada, empezando a contarlle o seu respectivo prazo posesorio.</p> <p>O persoal funcionario reingresado ao servizo activo mediante adscrición provisional (artigo 68.c) do Real decreto 1451/2005, do 7 de decembro), obrigado a participar nos concursos de acordo coa normativa vixente, estará excluído da limitación temporal prevista. Estará obrigado a solicitar todas as prazas vacantes e posibles resultas anunciadas correspondentes ao seu corpo ou escala da provincia onde se atope adscrito. De non participar no primeiro concurso convocado con posterioridade á adscrición provisional, pasará á situación de excedencia voluntaria por interese particular. No suposto de que, existindo prazas na provincia de adscrición, non solicitase todos os postos de traballo ou solicitase postos de traballo doutra provincia, e non obtivese destino, seralle adjudicada polo órgano competente da comunidade autónoma transferida ou do ámbito do Ministerio en que estiver adscrito, con carácter definitivo, unha praza no ámbito da provincia en que estea adscrito provisional e, na súa falta, no ámbito da comunidade autónoma.</p> <p>No caso de que o persoal funcionario reingresado a través do oportuno concurso sexa adscrito provisionalmente ao Corpo ou Escala onde reingresa ou estea en activo noutro Corpo ou Escala da Administración de Xustiza e non quixera que se interrompera a súa relación de servizo coa Administración de Xustiza, abondará con que, dentro do prazo de posesión de vinte días hábiles, tome posesión no novo Corpo ou Escala, téndoo por cesado no seu antigo destino coa data inmediatamente anterior a da súa posesión no novo posto de reingreso. Para iso, tendo en conta a necesidade de contar co tempo necesario para tomar posesión, poderá solicitar a Xerencia Territorial de Xustiza do seu destino actual, un permiso retribuído de <b>dous días hábiles</b> se hai cambio de localidade, salvo naqueles casos que teñan que viaxar a Canarias, Baleares, Ceuta ou Melilla, no que o permiso poderá ser de ata <b>tres días hábiles</b>, debendo gozarse, en todo caso, dentro do prazo de posesión. Realizarase a toma de posesión do novo destino durante os días de permiso sinalados.</p>